



NORMAS DE CONVIVENCIA

Artigo 31. NORMAS DE CONVIVENCIA

- 31.1 Obrigatoriedade de asistir á clase e facelo con puntualidade e con todo o material necesario. A falta de puntualidade ou a asistencia sen o material quedará reflectida no parte e comunicárase aos pais xunto coas faltas de asistencia.
- 31.2 Cumprir e respectar os horarios aprobados para o desenvolvemento das actividades do Centro.
- 31.3 Seguir as orientacións do profesorado respecto da aprendizaxe.
- 31.4 Amosar respecto e consideración cara a todos os membros da comunidade educativa, e cara a aquelas persoas que realicen algunha actividade dentro do recinto escolar.
- 31.5 Respectar o dereito ao estudo dos compañeiros.
- 31.6 Evitar manter actitudes que perturben o normal desenvolvemento das actividades do Centro.
- 31.7 Respecto á liberdade de conciencia, conviccións relixiosas ou morais, dignidade, integridade, intimidade e non discriminación por razóns de raza, sexo ou calquera outra circunstancia persoal ou social, de todos os membros da comunidade educativa.
- 31.8 Seguir as orientacións do profesorado, respecto da utilización, mantemento e recollida de material.
- 31.9 Coidado e utilización correcta do mobiliario, dotacións e instalacións do centro, seguindo as normas dadas polo profesorado, así como das pertenzas doutros membros da comunidade educativa.
- 31.10. O alumnado escolarizado na educación Secundaria Obrigatoria non poderá saír do recinto escolar no período lectivo nin nos períodos de lecer.
- 31.11 Non está permitido comer ou beber nas aulas, nos corredores e na biblioteca, salvo permiso expreso do/a profesor/a responsable en cada momento. Excepcionalmente, se existen condicións individuais ou que afecten a toda a colectividade e que impidan o normal desenvolvemento do período de lecer no exterior do edificio, poderanse levar a cabo estas actividades nos corredores da planta baixa.
- 31.12 Non se poden usar auriculares dentro das aulas ou noutras dependencias nas que se estean a desenvolver actividades lectivas.
- 31.13 Prohíbese ao alumnado a utilización no centro de teléfonos móbiles, reprodutores de música e vídeo, máquinas de xogos portátiles, e/ou calquera outro aparato electrónico, salvo



permiso expreso e por escrito da Dirección do centro. Non se inclúen as calculadoras nin aqueles aparatos que autorice expresamente o profesorado para o proceso educativo, previa comunicación e autorización da Dirección.

AOS EFECTOS DO APARTADO ANTERIOR, ENTENDERASE POR UTILIZACIÓN DUN TELÉFONO MÓBIL “A ACTIVACIÓN INTENCIONADA OU AUTOMÁTICA DA PANTALLA OU DALGÚN SON DO TELÉFONO”.

O incumprimento desta disposición levará aparelhada a retirada do correspondente material, que será entregado na Xefatura de Estudos, quedando constancia escrita deste feito.

O material requisado só se entregará á persoa que ostente a custodia do/a alumno/a. No caso de ser requisado unha segunda vez, entregarase transcorrido un prazo mínimo dun mes contado a partir da data de retirada e previa cita co/a Xefe/a de Estudos.

A reincidencia incrementará o período de depósito do material no centro seguindo a seguinte secuencia: 1ª reincidencia, 1 mes; 2ª reincidencia, 2 meses; etc.

Ao remate do curso devolverase todo o material incautado independentemente do prazo transcorrido dende a última data de retirada.

As infraccións a esta disposición prescriben ao remate do curso e non son acumulativas para cursos sucesivos

31.14 Durante o tempo de lecer o alumnado non poderá permanecer na planta alta, agás acompañados dun/dunha profesor/a.

31.15 Está totalmente prohibido o consumo de tabaco, alcohol ou estupefacientes en todo o centro.

31.16 Fóra das horas de lecer, en horario lectivo, non se poderán sacar latas, botes, bocadillos, etc. da cafetería. As situacións extraordinarias regularanse puntualmente.

31.17 O alumnado que utilice o transporte escolar para achegarse ao instituto, baixará do autobús e, directamente, entrará e permanecerá dentro do recinto escolar ata que comecen as clases. Non poderá saír en ningún caso fóra do recinto escolar. Ao remate da xornada lectiva, o alumnado subirá directamente ao autobús escolar. Igualmente, o seu comportamento durante o percorrido será correcto e, se procede, poderá sancionarse de acordo co presente regulamento.

Artigo 32. CORRECCIÓN DAS CONDUTAS CONTRARIAS ÁS NORMAS DE CONVIVENCIA

32.1 Levaranse a cabo de acordo cos artigos 48, 49 e 50 do Real Decreto 732/1995, e terán sempre un carácter educativo e formador.

32.2 As correccións propostas non deberán ser contrarias á integridade física nin á dignidade persoal do alumnado. Ademais teranse en conta as circunstancias persoais, familiares ou sociais do alumnado antes de resolver o procedemento corrector.



32.3 Cando o número de faltas de asistencia inxustificadas dun/dunha alumno/a supere o 10 % das faltas totais do trimestre, o/a alumno/a será amostado e poderá ser suspendido/a do seu dereito de asistencia ao Centro por un prazo máximo de tres días lectivos.

32.4 As condutas contrarias ás normas de convivencia deberán constar por escrito nun informe redactado polo/a profesor/a, do que se lle entregará copia ao/á titor/a do/a alumno/a e á Xefatura de Estudos que informará, se é preciso ou por petición expresa, aos/ás pais/nais ou titores legais do/a alumno/a. En todo caso, cando o/a alumno/a teña dúas amostacións, a Xefatura de Estudos informará aos/ás pais/nais ou titores legais.

32.5 Cando un/unha alumno/a reincida en número de tres veces no mesmo curso escolar, en condutas contrarias ás normas de convivencia, a Xefatura de Estudos poderá propoñer a aplicación das correccións previstas nos apartados g) e h) do artigo 48 do R.D. 732/1995, e a Dirección ou, se é o caso, a Comisión de Convivencia, actuarán segundo o procedemento establecido a tal efecto.

32.6 As actitudes que perturben levemente o desenvolvemento das actividades do Centro serán corrixis pola Xefatura de Estudos a instancias do profesorado. No caso de que a mencionada actitude poida ser considerada gravemente contraria ás normas de convivencia comunicará o asunto ao Equipo Directivo ou ao Consello Escolar.

32.7 Os actos de indisciplina ou falta de respecto e consideración cara a calquera membro da comunidade educativa ou contra persoas que eventualmente realicen algunha actividade dentro do recinto escolar, serán corrixis pola Dirección, que comunicará o feito ao Consello Escolar.

32.8 Cando o número de faltas de asistencia inxustificadas a unha determinada materia, supere o 10% das horas previstas para o trimestre ou o 25% das totais previstas para o curso, o/a alumno/a poderá perder (a criterio do profesorado) o dereito á avaliación continua debido á imposibilidade de aplicación da mesma, e deberá aplicárselle o sistema de avaliación proposto polo departamento correspondente.

32.9 Os danos producidos nas instalacións ou mobiliario do centro de forma intencionada ou negligente serán aboados ou reparados polos autores dos mesmos, nun prazo a determinar polo Equipo Directivo. No caso de que se neguen, poderanse emprender polo Equipo Directivo accións xudiciais.

Ademais, os implicados neste tipo de accións comparecerán na Xefatura de Estudos onde se aplicará, se procede, outra corrección.

Se non se identificase o/a alumno/a ou alumnos/as causantes dos danos, todo o alumnado do grupo estará obrigado a colaborar na reparación ou reposición do material afectado.

32.10 A reparación das pintadas feitas nas aulas, corredores e calquera outra dependencia do Centro será encomendada aos/ás autores/as polo/a titor/a ou, no caso de que ocorra durante un



período de clase, polo/a profesor/a da materia que se estaba impartindo nese momento, en colaboración coa Xefatura de Estudos, facéndose os/as causantes tamén cargo do custo económico.

32.11 Calquera profesor/a poderá obrigar a limpar as pintadas feitas nas mesas das aulas polo seu alumnado. O mesmo rexe para calquera outro acto que implique manchar a aula. O/A titor/a será o/a responsable de comunicar ao Equipo Directivo os danos que observe ou que lle indique o alumnado da súa titoría.

Artigo 33. CONDUCTAS GRAVEMENTE PREXUDICIAIS PARA A CONVIVENCIA DO CENTRO

33.1 Son as especificadas no Artigo 52 do R.D. 732/1995. Serán corrixidas, de acordo co Artigo 53, trala instrución dun expediente disciplinario.

33.2 Correspóndelle á Dirección, logo da pertinente recollida de información, decidir a instrución do expediente disciplinario. Para a tramitación de expedientes disciplinarios aplicase o disposto nos artigos 54, 55 e 56 do R.D. 732/1995.

PROTOCOLO PARA A RETIRADA DO DEREITO Á AVALIACIÓN CONTINUA

As Normas de Organización e Funcionamento do centro recollen no seu artigo 22.6: *“Cando un alumno ou unha alumna acumule un determinado número de faltas sen xustificar poderá ser privado/a do dereito á avaliación continua. As condicións nas que se pode tomar esta medida estarán recollidas no correspondente protocolo.”*

Para regular o que se di no anterior artigo establécese:

1. Cando un/unha alumno/a acumule nunha materia unha cantidade de faltas sen xustificar equivalente ao número de sesións correspondentes a dúas semanas de clase da devandita materia, recibirá un primeiro aviso de que pode ser privado/a do dereito á avaliación continua nesa materia.
2. Cando, despois de recibido o primeiro aviso, un/unha alumno/a sume na mesma materia unha cantidade de faltas sen xustificar equivalente a unha semana de docencia nesa materia, o que fará que o número total de faltas non xustificadas acade como mínimo a cantidade correspondente a tres semanas de clase da devandita materia, recibirá un segundo aviso de que pode ser privado/a do dereito á avaliación continua nesa materia.
3. Cando, despois de recibidos dous avisos, un/unha alumno/a sume na mesma materia unha cantidade de faltas sen xustificar equivalente a unha semana de docencia nesa materia, o que fará que o número total de faltas non xustificadas acade como mínimo a cantidade correspondente a catro semanas de clase da devandita materia, poderá ser privado/a do dereito á avaliación continua nesa materia.

ESTAS NORMAS SON DE OBRIGADO CUMPRIMENTO DURANTE O TEMPO QUE O/A ALUMNO/A PERMANEZA NESTE CENTRO.